

**ՃԱՆՈՒՑՈՒՄ**  
**ՍԱՆ ԳԱՔՐԻԵԼԻ ԱՐԵՎՍՏՅԱՆ ՀՈԿՏԻ**  
**ՏԱՐԱԾՔԱՅԻՆ ԾՐԱԳՐԻ ՎԵՐԱԲԵՐՅԱԼ**  
**ՀԱՆՐԱՅԻՆ ԼՍՄԱՆ ԵՎ ՇՐՋԱԿԱ ՄԻՋԱՎԱՅՐԻ ՎՐԱ ԱՉԴԵՑՈՒԹՅԱՆ**  
**ԵԶՐԱՓՈՎԿԻՉ ՀԱՇՎԵՏՎՈՒԹՅԱՆ ԶԵՆԱՐԿՄԱՆ ՄԱՍԻՆ**  
**ՆԱԽԱԳԻԾ NO. 2023-003982-(SD1, 5)**  
**ՆԱԽՆԱԿԱՆ ՊԼԱՆԱՎՈՐՄԱՆ ԳՈՐԾ NO. RPPL2023005880**  
**ԸՆԴՀԱՆՈՒՐ ԾՐԱԳՐԻ ՓՈՓՈԽՈՒԹՅՈՒՆ NO. RPPL2023005882**  
**ԿԱՐԳԱԴՐՈՒԹՅՈՒՆ NO. RPPL2024002630**  
**ԳՈՏԻՆԵՐԻ ՓՈՓՈԽՈՒԹՅՈՒՆ NO. RPPL2023005883**  
**ՇՐՋԱԿԱ ՄԻՋԱՎԱՅՐԻ ԳԼԱՅԱՏՈՒՄ NO. RPPL2023005884**  
**ՆԱՀԱՆԳԱՅԻՆ ՏԵՂԵԿԱՏՎԱԿԱՆ ԿԵՆՏՐՈՆ NO. 2023110351**

Լոս Անջելեսի Շրջանի («Շրջան») Տարածքային Պլանավորման Հանձնաժողովը («Հանձնաժողով») կանցկացնի հանրային լսում՝ քննարկելու Շրջակա Միջավայրի Վրա Ազդեցության Եզրափակիչ Հաշվետվությունը («FEIR») և ստորև ներկայացված նախագիծը: Նախագծի մասին կներկայացվի պրեզենտացիա և ընդհանուր ակնարկ, և ցանկացած հետաքրքրված անձ կամ լիազորված ներկայացուցիչ կարող է մասնակցել լսմանն ու լսման ընթացքում մեկնաբանություններ անել նախագծի վերաբերյալ: Մասնակցության դեպքում դուք կունենաք ելույթ ունենալու հնարավորություն կամ կարող եք գրավոր ներկայացնել ձեր կարծիքը միջոցառման կազմակերպչին՝ ստորև նշված հասցեով կամ առձեռն՝ հանրային լսման ընթացքում: Եթե այս առաջարկի վերաբերյալ վերջնական որոշումը քննարկվի դատարանում, ապա կարող են քննարկվել այն հարցերը, որոնք բարձրացվել են նախքան հանրային լսումը կամ հանրային լսման ժամանակ:

**ԼՍՄԱՆ ՕՐԸ ԵՎ ԺԱՄԱԸ`** 2024թ. սեպտեմբերի 25՝ առավոտյան 9:00:

**ԼՍՄԱՆ ՎԱՅՐԸ`** Գրանցումների Սենյակ (Hall of Records), 320 West Temple փողոց, Սենյակ 150, Լոս Անջելես, Կալիֆորնիա 90012. Առցանց՝ [bit.ly/ZOOM-RPC](https://bit.ly/ZOOM-RPC): Հեռախոսով՝ (669) 444-9171 կամ (719) 359-4580 հեռախոսահամարներով (ID: 858 6032 6429): Այցելեք [lacadp.legistar.com/Calendar.aspx](https://lacadp.legistar.com/Calendar.aspx) և ընտրեք լսման օրը՝ հավելյալ տեղեկությունների համար:

**ՆԱԽԱԳԾԻ ՎԱՅՐԸ`** Altadena, East Pasadena-East San Gabriel, Kinneloa Mesa, La Crescenta-Montrose, San Pasqual, South Monrovia Islands, South San Gabriel, Whittier Narrows և South El Monte կղզու չմիավորված համայնքներ:

**ՆԱԽԱԳԾԻ ՆԿԱՐԱԳԻՐԸ`** Առաջարկվող Սան Գաբրիելի Արևմտյան Հովտի Տարածքային Ծրագիրը (Տարածքային Ծրագիր կամ Նախագիծ) Ընդհանուր Ծրագրի ընդլայնում է, որն անդրադառնում է Սան Գաբրիելի Արևմտյան Հովտի Պլանավորման Տարածքի 9 չմիավորված համայնքների առանձնահատուկ կարիքներին և բնութագրերին: Տարածքային Ծրագիրն ուղղված է բարելավելու, ուղղորդելու և աջակցելու այս համայնքների շարունակական աճին, զարգացմանն ու պահպանմանը: Տարածքային Ծրագիրը ներառում է տարածաշրջանին հատուկ

Նպատակներ և գործողությունների ծրագրեր հողօգտագործման, տնտեսական զարգացման, շրջակա միջավայրի և բաց տարածքների պահպանության, ազատ տեղաշարժի, հանրային ծառայությունների և հաստատությունների ամրապնդման, ինչպես նաև պատմական ժառանգության պաշտպանության վերաբերյալ: Տարածքային ծրագիրը նաև ներառում է համայնքին հատուկ նպատակներ և գործողությունների ծրագրեր: Բացի այդ, Տարածքային Ծրագիրը ներառում է տարածաշրջանին և համայնքին հատուկ գործողություններ: Նախագծի շրջանակում առաջարկվում են գոտիավորման և հողօգտագործման քարտեզների փոփոխություններ՝ գոտիավորման և հողօգտագործման ծրագրերի համապատասխանեցման, բնական ռեսուրսների պահպանման, վտանգավոր տարածքներում շինարարության սահմանափակման, խոշոր կանգառների և մայրուղիների հարակից տարածքներում բնակչության աճի և տարբեր նպատակներով հողօգտագործման զարգացման և Բնակավայրերի Վերագնափորման Ծրագրի իրականացման համար: Նախագիծը ներառում է գործող կարգադրությունների փոփոխություններ՝ Տարածքային Ծրագրի նպատակների և գործողությունների իրականացման համար, ինչպես նաև տարածաշրջանային նոր չափանիշներ, ինչպես նաև գործող չափանիշների վերակազմակերպում և թարմացումներ: Նախագծի համար պատրաստվել է նաև պատմական համատեքստով հայտարարություն, որը կցված է Տարածքային Ծրագրին:

**ՇՐՋԱԿԱ ՄԻՋԱԿԱՅՐԻ ՊԱՇՏՊԱՆՈՒԹՅԱՆ ՎԵՐԱԲԵՐՅԱԼ ՓԱՍՏԱԹՂԹԵՐԸ:**

Որպես Կալիֆորնիայի Շրջակա Միջավայրի Որակի Մասին Օրենքի («CEQA») ապահովման առաջատար գործակալություն՝ Շրջանի Տարածքային Պլանավորման Հանձնաժողովը կվերանայի Շրջակա Միջավայրի Վրա Ազդեցության Ծրագրային Հաշվետվության («EIR») վավերացումը, որը ներառում է Շրջակա Միջավայրի Վրա Ազդեցության Եզրափակիչ («FEIR») և Նախնական («DEIR») Հաշվետվությունները: Բացի այդ, Հանձնաժողովը կդիտարկի Շրջանի Բացասական Ազդեցությունների Մեղմացման Ուղղված Գործողությունների Մշտադիտարկման և Չեկուցման Ծրագրի («MMRP»), CEQA-ի Փաստերի Հայտնաբերման և Գերակայության Դիտարկման մասին Հայտարարության ընդունումը: FEIR-ը կներկայացվի հանրության վերանայմանը հանրային լսումից առնվազն 10 օր առաջ (Կալիֆորնիայի Կարգավորումների մասին Օրենք, Գլուխ 14, Բաժին 3 ss 15089(բ)):

**ՆԱԽԱԳԾԻ ՆՅՈՒԹԵՐԸ:** Նախագծի փաստաթղթերը, ներառյալ Սան Գաբրիելի Արևմտյան Հովտի Տարածքային Ծրագիրը, կարգադրությունը և Եզրափակիչ EIR-ը, հասանելի կլինեն առցանց հետևյալ հղմամբ՝ [planning.lacounty.gov/long-range-planning/wsqvap/documents/](http://planning.lacounty.gov/long-range-planning/wsqvap/documents/): CEQA-ի ծանուցումները նույնպես հրապարակվում են այստեղ՝ [planning.lacounty.gov/environmental-review/public-notice/](http://planning.lacounty.gov/environmental-review/public-notice/).

Եզրափակիչ EIR-ի տպագիր օրինակը հասանելի կլինի նախնական ամրագրմամբ՝ սովորական աշխատանքային ժամերին Լոս Անջելեսի Շրջանի Տարածքային Պլանավորման Վարչության Գլխամասային Գրասենյակում (320 W. Temple փող., 13-րդ հարկ, Լոս Անջելես, Կալիֆորնիա 90012): Նախագծի կյուբերի, ներառյալ Եզրափակիչ EIR-ի տպագիր օրինակները հասանելի կլինեն նաև Սան Գաբրիելի Արևմտյան Հովտի որոշ հանրային գրադարաններում և Տարածքային Պլանավորման Վարչության Սան Գաբրիելի Հովտի Տարածքային Գրասենյակում: Այցելեք

- Իրավաբանական Հայտարարություն -

[planning.lacounty.gov/long-range-planning/wsgvap/documents/](http://planning.lacounty.gov/long-range-planning/wsgvap/documents/) գրադարանների և տարածքային գրասենյակների հասցեներին և աշխատանքային ժամերի ցանկին ծանոթանալու համար: DRP-ի կողմից ստացված ամբողջ նամակագրությունը համարվելու է հանրային փաստաթուղթ:

Այս նախագծի վերաբերյալ լրացուցիչ տեղեկությունների համար խնդրում ենք դիմել Համայնքային Հետազոտությունների Արևելյան Բաժին (Community Studies East Section)՝ [wsgvap@planning.lacounty.gov](mailto:wsgvap@planning.lacounty.gov) էլ . հասցեով, (213) 974-6427 հեռախոսահամարով կամ փոստով՝ Լոս Անջելեսի Շրջանի Տարածքային Պլանավորման Վարչություն (DRP)՝ 320 W. Temple փող., 13-րդ հարկ, Լոս Անջելես, Կալիֆորնիա 90012 հասցեով:

Եթե ձեզ անհրաժեշտ են հարմարանքներ կամ օժանդակ միջոցներ, խնդրում ենք դիմել Հաշմանդամություն Ունեցող Ամերիկացիների մասին Օրենքի (ADA) Համակարգողին՝ (213) 974-6488 (Ձայնային) կամ (213) 617-2292 (Հեռատիպ/TDD) հեռախոսահամարներով՝ հայտնելով այդ մասին առնվազն 3 աշխատանքային օր առաջ: